

Ta felicita Ciro Abath cu e bunita obra na Plaza Padu

By **Redaccion 36** - January 19, 2015

- Advertisement -

Minister di Cultura Otmar Oduber



ORANJESTAD (AAN): Minister di Cultura Otmar Oduber a indica cu lo ubica riba Plaza Padu un escultura traha pa nos artista local Ciro Abath, dunando asina aki honor na esnan cu a percursa pa nos himno, cu nos por ta asina orguyoso di dje.

Minister Oduber a splica cu esaki ta e inicio di un proyecto unda lo ubica diferente obranan di arte den areanan publico.

E esculturanan aki lo representa e historia y cultura di Aruba. Meta principal di e proyecto ta pa haci arte mas accesibel pa comunidad completo como tambe e bishtante di afor.

Cada escultura lo representa nos herencia y identidad di ser Arubiano den forma di arte.

E piesanan aki lo wordo crea pa artistanan local, di cual ya caba esakinan ta den e proceso di creacion. Ta trata aki di e proyecto Changa di e artista local Ryan Oduber y di Paardenbaai di e artista local Osaira Muyale.

Manera e mandatario a indica e proyecto aki lo presenta y ubica e piesanan aki tanto den Oranjestad como San Nicolas.

Cu e finalisacion di Plaza Padu y e ubicacion di e escultura cu ta duna honor na Padu Lampe, Lio Booi y Rufo Wever, lo conta e storia di nos Himno y Bandera y lo demostra e orguyo grandi cu nos tin di pa e pida baranca aki.

- Advertisement -
